

Belastingdienst a baha cobranza di FERIA Colombiano di 140.000 pa 35.000 Florin

ORANJESTAD (AAN): — Abogado di e comerciantenan cu a forma parti di e FERIA Colombiano, mr. David Kock, a bisa DIARIO ayera cu Belastingdienst a baha e suma di 140.000 Florin cu ela cobra su clientenan inicialmente pa 35.000 Florin. Ta asina cu problema a bolbe

bati na porta di e FERIA Colombiano Dialuna anochi, e biaha aki den forma di Belastingdienst. Abogado Kock a splica den un entrevista cu su clientenan a haya un carta di Belastingdienst siman pasa caba pa nan pasa regla nan asuntonan y cu antayera Dialuna e partinan a reuni cu otro.



Abogado mr. Kock.

Durante e reunion ey, Belastingdienst a presenta e empresarionan Colombiano cu e suma cu nan lo debe, banda di e invoerrechtenan cu nan a paga caba. Mr. Kock a indica cu e suma aki, di 140.000 Florin, tabata diferencia hopi cu loke su clientenan a calcula cu nan lo tin cu paga, pero cu en todo caso a keda palabra cu lo caba di regla cos prome cu Diabierna. Pesey tabata un sorpresa na momento cu Dialuna banda di 9'or di anochi, Deurwaarder di Belasting a

presenta na e FERIA cu e exigencia pa paga e suma di biaha, sino lo pone beslag. Na momento cu Kock tabata papia cu DIARIO, e comerciantenan tabata sinta atrobe na mesa cu Belastingdienst y un experto riba tereno di Impuesto cu nan a recluta, pa negocia tocante e suma real cu nan lo mester paga y manera ya menciona, mas despues a yega na un areglo. Segun Kock: "E sumanan cu Belastingdienst a bin cu ne ta 'ambtshalve', na unda nan ta bisa: 'Nos ta kere cu ta tanto', anto e ora ta keda na bo pa prueba kico exactamente e ta". Riba e pregunta di DIARIO tocante e miedo di Belastingdienst cu despues di Dialuna lo no tin nada mas na e lugar y tur hende lo a bandona Aruba, e abogado a contesta: "Mi tin comprension pa e pensamiento ey. Pero mi clientenan constantemente a

mustra cu asina cu yama nan, nan ta presenta y ta duna bo e informacion cu bo kier. Pesey nos no tin tanto problema cu loke a pasa, ma mi ta kere cu si bo ta bezig ta negocia cu Belastingdienst, cu e lo no bira tuma e paso ey. E hendenan aki no ta core pa nan responsabilidad, pero bo no mester pone nan paga un suma cu no ta cuadra cu realidad, mi ta kere cu esey lo ta e issue".

Kock a muestra di no por scapa di e pensamiento cu e polemica cu ta rondona e FERIA Colombiano, lo a hiba Belastingdienst na actua di tal manera.

El a sigui: "No ta casualidad cu te cu Diabierna siman pasa, gobierno ta bisa cu e hendenan aki ta ilegal y mester bandona e isla y cu despues cu Huez a duna sentencia, Dialuna diripiente e direccion ta cambia. Awor ta cu nan tin cu paga Belasting".

E abogado a asegura cu no obstante tur cos cu a pasa, e grupo di e FERIA a expresa di kier bolbe bin Aruba den futuro y a agrega: "Naturalmente si, awor cu gobierno a wak con cos a bay, mester percura pa e siguiente biaha no tin e tipo di sorpresanan aki".

Rompi a dal victima y lage cu cap den frenta

ORANJESTAD (AAN): Den oranan di anochi, un homber cu cap den frenta a presenta na Warda di Polis na San Nicolas.

E homber di inicialnan A.G. di 41 aña, a declara cu un rato prome el a worde atraca den Caya Saba. Segun declaracion di e victima, cu ta un tal "Rompi" a comete e acto contra dje.


E sospechoso di inicialnan R.B. mihor conoci como "Rompi" posiblemente a haci uso di un arma di candela. Cu e parti patras di e arma, el a dal denunciante den su frenta y a logra di horta 50 Florin.

Durante cu e victima ta duna su version direpiante el a zak den otro y a bay for di tino. Mesora ambulans a worde solicita pa presenta na

warda pa transporta e victima Centro Medico.

Mientras Polis lo sigui atende e caso, y pa loke ta "Rompi", Recherche tin esaki riba lista pa worde deteni pa e responde relaciona cu e acusacion serio cu tin contra dje.

RED CARPET GENERATION!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Flat
Universal
Remote
Afl. 19,95

Glenbert Croes tocante futuro di San Nicolas:

Desaroya corridor turistico San Nicolas

Refineria Valero, calidad di bida, Hotel y Golfcourse ta essencia

ORANJESTAD (AAN): Futuro desaroyo di Aruba mester representa incondicionalmente den prosperidad pa henter pueblo. Esey ta loke Glenbert Croes a declara na DIARIO.

Pueblo mester prospera ora Aruba prospera. Nos Politiconan tin e deber sagrado pa semper procura pa esaki ta e caso. Pero nos tur mester siña di nos erornan.

Loke Croes kiermeen cu esey, ta cu Aruba no por prospera si Pabao di Brug mira e desaroyo y San Nicolas keda atras.

"Gobierno actual cu ta goza di mi confianza tin e oportunidad di oro cu ningun Gobierno te awor tabatin: Cu mayoria absoluto den

Parlamento haya aprobacion pa realiza na San Nicolas loke ningun Gobierno a logra ainda: E corridor turistico Aeropuerto Beatrix - San Nicolas, e Refineria Valero y Aruba mester yega na un acuerdo pa futuro, mehora e calidad di bida di pueblo di San Nicolas cu un concepto di desaroyo di comunidad completo, realiza e Hotelnan y Golfcourse Development necesario pa turismo haci pa San Nicolas y Aruba loke Turismo a haci pa Playa y Aruba.

Fraccion di OLA kier pidi Gobierno y tur colega Parlamentario, pa haci uso di e oportunidad di oro cu tin awor pa logra e proyectonan aki pa prosperidad di Aruba y di pueblo.

"Nos tur sa loke nos mester



e proyectonan aki bira realidad te awor aki. Nos no por perde e oportunidad di oro aki si awor nos no actua."

"Cu cooperacion di tur colega Parlamentario y cu apoyo di Gobierno di Aruba, nos por haci uso di e oportunidad cu maneho di Gobierno den tratamiento di presupuesto pa diferente presupuestonan cu falta di nos aprobacion mira e oportunidad pa nos termina di cristaliza proyectonan pendiente pa Aruba y San Nicolas cu por bay perdi of cu atrobe lo mester warda pa un otro periodo di Gobierno."

Glenbert Croes a finaliza bisando: "Nos no por bisa pueblo di San Nicolas ban warda pa otro periodo di Gobierno, pasobra e 4 añanan ta pasando. Te aworaki ta Centro Medico San Nicolas ta e unico logro. Esaki no por ta e unico logro den 4 aña."

Decision a cay ayera:

Otmar lo mester presenta tog den Corte

ORANJESTAD (AAN): — Corte a dicidi ayera pa cu e protesta cu parlamentario di AVP Otmar Oduber a entrega contra e citacion cu el a haya den e caso Fondo di Desaroyo San Nicolas.

Hueznan a bay de acuerdo parcialmente cu e ponencianan di defensa di Oduber y a clear e ex-consehero di gobierno pa un parti di persecucion ("buiten vervolging").

Esey ta nifica cu aunke e Oduber a wordo libera di mester responsabiliza su mes pa cierto acusacionnan contra dje, e lo tin cu presenta tog den Corte pa enfrenta e otro cargonan cu a keda den e citacion.

Abogado Chris Lejuez a splica cu gran parti di e tempo ancla den e acusacionnan a cay afor, en total mas cu mitar, loke kier meen cu hopi proyecto di e periodo aki, den cual Oduber lo tabata envolvi na un o otro manera, no ta den su citacion mas.

Mr. Lejuez a indica cu ta trata aki di un asina yama "caso marginal", caminda Hueznan ta duna un opinion relativamente superficial.



Abogado mr. Lejuez.

El a sigui: "Nan a pone señor Oduber buiten vervolging pa e temporada cu a cay afor. Tin un parti cu a keda, caminda nan a bisa cu tin asina hopi detaye y complicacion, cu nan no por duna nan opinion den un tempo tanto cortico".

Lejuez a muestra optimista pa e caso y a afirma: "Esaki tabata un victoria parcial y probablemente un anticipacion riba e victoria total cu lo bin na final".

Riba e pregunta di DIARIO cuanto aña caba e investigacion contra e personanan envolvi den e Fondo di Desaroyo San Nicolas tin andando, el a responde: "Mi no por contesta bo esey. Defensa

Sigui Lesa pag. 62

haci pa logra esakinan. Den mi opinion humilde,

diferencia riba ki caminda pa cana logra esakinan a impedi

Parlamentario Oplaat:

Dirk Dumfries ta corrupto y mester bin medidanan contra esaki



ORANJESTAD(AAN): Parlamentario Harry Oplaat recientemente a elabora riba e hecho cu Vice Presidente di Parlamento Dirk Dumfries tabata manda carchi di Pasco y di hacimento di aña pa personanan den nos comunidad, riba costo di Parlamento.

Segun Oplaat ora cu Presidente di Parlamento Marlon Werleman a yega back, el a pone un stop riba loke Dumfries tabata haciendo.

Pero Dumfries no a para eynan.

Ta asina cu

Parlamentarionan ora nan no por atende un entiero nan tin e posibilidad di yama e secretaria di Staten, y pidi pa manda un Telegram pa e famia, unda cu e Parlamentario ta disculpa su mes di no por a bay e entiero. Aparentemente ora cu Presidente di Parlamento a stop Dirk Dumfries di manda e carchi nan, Dumfries a dicidi di cuminsa manda telegram pa e personanan aki.

Ta ora cu e cuenta di telegram di Staten di tur luna a aumenta drasticamente pa 9 mil Florin, e ora ey Parlamento a ripara cu tabata sr Dumfries un biaha mas, cometiendo e actonan aki. Pa motibo di esaki awor Parlamento tin e regla cu e cuenta di telegram di cada Parlamentario ta worde cobra for di nan cuenta di telefon.

Awor cu esaki lo bira mucho caro pa Dumfries, segun Oplaat el a manda druk carchinan atrobe, cu su nomber riba dje pa manda

den comunidad.

Segun Oplaat, esaki no por, unda cu Marlon Werleman a bisa cu el a papia cu Dumfries pa e stop, sinembargo aparentemente e no a stop. Y si el a stop mes, e echo cu e tabata hacie ta corrupcion.

Esaki segun Oplaat cu a bisa cu Dumfries semper ta e prome di muestra dede riba hende pa bisa cu nan ta corrupto, sinembargo awor a bin resulta cu ta e mes ta corrupto, y segun Oplaat, e no lo mester mag di ta den Parlamento pa e actonan aki, cu e mes a admiti di a haci.

E Parlamentario a bisa cu pronto lo bin un mocion riba e echo aki, pa tuma medidana contra di Dumfries, cu pa colmo ta miembro di PLACC, cu ta "Parlamentarionan Latino Americano Contra la Corupcion".


Pues cu e actonan cu el a comete e por mancha e nomber di nos pais internacionalmente tambe.




FREE Entrance & a FREE Drink for the Ladies
11:00 - 12:00
 Live Performance by:
"Youth Extreme"
 Bautisando y estrenando nan CD nobo
 Tambe lo tey DJ Edson y MC Chucho

Café
BAHIA
 Caribbean Food & Entertainment
 www.cafebahia.com

Continuacion pag. 3



liep liep Hoeraaaa! E baby boy nas chikito di cas a hasi 1 anja awe, su papi Gregory y su mami Marcela a dune e dushi number di JORDANNY WERNET. Hopi sunchi e ta hanja di su mama chikito Richa, su ruman Rose-Anne y un bux di su ruman homber Jordan. Su 2 Dudunan, 2 bisawelanan, Rochi, su padrinonan Edson y Omar, madrinanan Liza y Farrah na Merca, Tanchinan y ompinan, prima y primonan. Amiguítanan di cas: Shavon, Eugone, Sushaun, Jonashene, Carlos y Jesus. Pepe grandi y Pepe chikito. Alavez Jordanny y Familia ta manda un sunchi grandi pa Tanchi Nea cu tambe a hasi anja awe, demas familia.
 (via Internet)



Go papi, it's your b-day... We're gonna party, it's your b-day! Awe ta cumpli un aña mas di su lekkere leven e tata di mas lief cu por tin, esta CANDEL WERLEMAN. E ta haya deseonan di AMOR y felicidad di su yiu Mary, cu stime masha hopi mes. Papi, bay suave cu e Cognac, noh!!!! Y awe nos ta bay fiesta na grandi cu e Black Label, hihi... Love You!!
 (via Internet)



Awe ta cumpli aña e prins di cas Juan Carlos Allende E ta haya felicitacion di su papi Juan Carlos su mami Betty y ruman Jesus David y di tur su amiguítanan y famia na Aruba y Colombia.

**TELEFONNAN
 DI DIARIO
 582-6747
 FAX
 582-8551**



**INVEST
 SECURE N.V**

Servicio 24 ora.

We don't just say... We Guarantee it!

**Bo cas of negoshi lo por bira
 su proximo victima!!!**



Tel.: 582-7252
 Fax: 582-7211


Patiestraat # 34
 Dakota

**Proteha bo familia y bo propiedad
 cu un sistema di alarma capaz pa detecta intruso
 pafo, prome cu e penetra door di porta of plafond...**

DEMOSTRE BO AMOR
cu palabra



*E aña aki atrobe DIARIO tin e seccion
 special caminda
 por manda mensahenan di amor pa
 Dia di San Valentino.
 Expresa bo amor cu palabranan cu ta
 sali for di bo curazon
 y bo amor lo lesa bo sentimentonan
 den nos
 PAGINANAN DI AMOR.*



Pa e seccion special aki ta cobra Afls. 10,- pa poesia y bo por participa tambe pa gana un di e 25 bunita regalo di San Valentino.

**Pasa personalmente na oficina di DIARIO durante
 oranan di oficina pa asina bo tambe
 por participa den nos**

PAGINANAN DI AMOR

Ultimo dia pa entrega poesia ta dia 10 di Februari 2005.